



Pasukan UMS.

UMS pertahan gelaran keseluruhan Sukan IPT Sabah

GL Oh DE 19.12.2017 8
KOTA KINABALU: Universiti Malaysia Sabah (UMS) berjaya mempertahankan gelaran juara keseluruhan Sukan Institusi Pendidikan Tinggi Sabah ke-2 yang berakhir pada Ahad lepas.

Skuad yang dibarisi 87 atlet itu mempertahankan Piala Timbalan Menteri Pendidikan Tinggi Malaysia Datuk Dr. Mary Yap Kain Ching dengan tujuh emas, dua perak dan satu gangsa.

Mereka memenangi emas dalam futsal wanita, bola tampar pantai wanita, bola keranjang lelaki dan wanita, bola sepak, bola jaring dan sepak takraw.

Mereka hanya terlepas gelaran bola tampar pantai lelaki yang dimenangi oleh Politeknik Kota Kinabalu yang menamatkan saingan di tempat kedua dengan satu emas dan dua perak.

Tempat ketiga dimenangi oleh UMS

Labuan dengan dua perak dan satu gangsa, sementara tempat keempat ialah UiTM dengan satu perak dan tiga gangsa.

Pengarah Pusat Sukan UMS, Asraaf Fong Abdullah, yang mengucapkan terima kasih kepada Naib Canselor UMS, Profesor Datuk Dr D Kamarudin D Mudin atas sokongannya dalam pembangunan sukan berkata, dia gembira dengan atlet-atlet dan kejayaan itu adalah hasil perancangan dari awal.

“Saya telah menanam pemikiran memenang kepada atlet-atlet sejak dari awal dan saya sangat gembira kami memenangi gelaran itu buat kali kedua.

“UMS sentiasa menjadi kuasa besar sukan di sini di Sabah dan Borneo dan saya berharap mereka akan mengulangi kejayaan sama pada tahun-tahun akan datang serta cemerlang dalam acara ke-

bangsaan seperti Kejohanan Sukan Institusi Pengajian Tinggi Malaysia (Sukit) yang akan diadakan pada Februari di UKM tahun depan dan Sukan Masum.”

Seramai 767 atlet dari 20 institusi di negeri ini mengambil bahagian dalam acara dua hari itu dan hadiah-hadiah disampaikan oleh Ketua Penolong Pengarah, Bahagian Sukan Kementerian Pendidikan Tinggi Tony Azman.

Beliau berkata acara itu adalah satu kejayaan dengan penyertaan 767 atlet dan mengakui acara itu harus diteruskan setiap tahun dengan maklum balas positif daripada pelajar.

Beliau turut merakamkan terima kasih bagi pihak kementerian kepada Kamarudin atas sokongannya untuk menganjurkan sukan itu buat kali kedua di UMS.